

Inar bòtta, di èlbar håmaz geredet...

Nella tradizione popolare cimbra, in tutte le sue varianti, il rapporto tra Uomo e Natura è sempre stato forte e indissolubile. Un rapporto talmente "esotico" in grado di sciogliersi in fiabe e racconti che narrano come l'Uomo potesse parlare in passato con la Natura. Ora invece, si tagliano gli alberi come fossero semplici "cose inanimate".

“Hakhme au in zöllela un nèt in schaitla!”
hatta auzgehoket da sèll bötta dar stokh-
holtz in an manèkkar vu Lusérn. Un
er hattz getànt. In a kultúr vu pèrge, iz
normal azta di laüt bodase vürtrang hãm
vil zo tüana pittar natt. Allz daz sèll bodaz
schenkt di natür hattaz hërta gemacht
gebinnen. Lusérn iz an arma earde boda
so padrù iz di natür bo ’z hatt uminùm.
Azma sait no guet zo sbaiga un zo lüsna in
bint boda fukat inn pa vestadar von altn
hüttu von Lusérn, barnbar ke dar parirt
an altar lusérnar boda geatt inn z’sega az
iz allz a pöst. Azma schauget a loap boda

täntzt peng in bint un sugitært zo flattra,
zo drenase, fin az geat danidar, sekma a
khinn boda spilt. Azma steat no z'sega,
lugàrt, di bum boda gian z'èzza vonar roas
att d'andar un boda barnen da schümma
stadjón, vorstéatma bia di natùr geat
vürsnen ànka àna üs.

Di àmazan boda arbatn nà un nà, zoa zo
boróatase vor in bintar boda khint. Sa
soin hërta in pensiaro vor di khelte. Un
arbatn sovl bisa beratn a lentle bodase
mövart, ale pittnàndar. Sa gelàichen asse
völ in lusèrnar ke dar Adolf von Zètt hätt
gedenkhnt in an kantzü. Un an lestin, ma

nèt umbrómm sa varlérn mindar baz di
 ändarn, di êlbar. I, balde flattar obar dise
 beldarn pensàre hërta: “Ma di êlbar vo
 Lusérn, azpe di sèlln vo Milegruàm un vo
 Slege, soìn no guat zo reda? Vor mi boll!”
 Sa hãm hërta gehöört ren da zimbar zung!
 Ma est, ke di zaitn soìn gânt vür, niamat
 steat no zo lüsna bazzaz hãm zo kontàra.
 Ântzi! Bar gian zo hakhase abe azpe sa
 beratn nicht. Lai gehülzt! Khindar moien,
 khearbar bidrùmm alle zo reda pittar
 natür. Umbrómm si haltetaz no gearn!

Dar Nachtvogel



«Khlummane lustege tritt»

Il nostro “Khlummane Lustege Tritt” vanta attualmente l’iscrizione di ben 14 bambini; l’accostamento al bilinguismo e l’unione del Nido d’Infanzia con la Scuola dell’Infanzia sono le fondamenta di questo servizio tanto funzionale quanto innovativo.

Z djar 2010 soinda gest atz Lusérn biane khindar boda soin gânt in khindargart un vil khlummane gebortet vo biane zait, di näung djunge famildje soin gest ettlane vo dar kamôu hatt pensärt auzolega an näung prodjëkt vor di gântz khlumman khindar o. Vor ditza izta gebortet, in setémber 2011, dar “Khlummane Lustege Tritt”, a schual vor di khindar vo bintsche mánat fin atti sèks djar, boda mang stian vil zait pittnándar un boda ren azpe biar o. I hân gehöart di Katia von Këlln boda in di lestin djardar arbatet sèmm ägestëllt von Kulturinstitut zoa zo reda, lesan un singen azpe biar pinn khandar un pinn maistre o. Dar bichtegarste momént zo macha höörn, ren un lirin da zimbar zung in khindarn soinz di “routines”, vil pedagogistn un studjös vodar zung khôn defatti, ke di zungen khemmen augenump pezzar azza soin ägepuntert pitt eppaz boda khint gemacht alle tage, in geläich momé. Vor ditza in prodjëkt vo Lusérn o da zimbar zung khint valorizärt daz meararste

in moment von kalandärdjo, boda di khindar zeln belar tage, belar mänat un bela stadjön 'z iz un betta bëttar 'z izta auzzalt. An ändra gäntz bichtega routine iz da sël zò bëscha di hent un di zenn, sëmme izta zait zo singa kantzû un zo lirma di toaln von laip o. Di Katia hattmar kontärt ke si arbatet vil pinn stördje vodar traditziön un von balt o; nützante di libadar geschriebt azpe biar, übarsetzantar ändre un nützante di Kamishibai o. Disar "ördénjo" iz vil gekhennt in di schual un iz squäse azpe a khlummadar teatro boda di maistra, pittn illustratziönen von libadarn, kontärt au di stördje in khindarn machante a gäntza schümmäna atmosfera. Bar mang pröpjo khön ke üsarne zimbarla häm a gäntz groazez gelükh zo haba a söttana guata okasiön zo höära un ren, sa vo khlumma, zboa zungen.

Giada von Galèn

Dar kinkl von Laimtal iz khent “Presidio Slow Food”

Valorizzare e preservare tecniche, territori e prodotti che sarebbero destinati a sparire: questo è l'obiettivo dei **Presidi Slow Food** e tra questi è presente ora anche il **grano saraceno di Terragnolo**, un prodotto che, una volta era coltivato, assieme ad orzo e segale, anche a Luserna.

In Laimtal, obar Rovràit, zuar in pèrng von Pasubio, di laüt, vor a par djar, hãm auzgemacht bidar zo setza in kinkl. 'Z iz gest eppaz boda sëm, vorda auzizgprocht daz earst bèltkriage, iz hërta khent getànt. Azta a drai baké nètt hettatn zuargealtet in sãm vor sa hãm gimocht lazzan 'z tal un hettatnz nètt bidar auzgèt in laüt vo Laim balsa soinn gikheart bodrømm in di djarard 1918-1919, berata allz gânt vorlòrt.

Dar kinkl khint gesetzt auz pan lestn tang von prachant un iz raift schiar 90 tang spetar; asò auz pan lestn von herbestmànat 'z gegrés khint gement un gipuntet in pussln boda khemmen augeluant in di bis, bosa auzschaung azpe a baibe pittnan lãngen konsòtt un khemmen asò gehoozt "doneta". Di pussln stian sëm geradeàu a boch, asò alle di "khòrndla" von kinkl mang rivan

zo raiva in air un in di sunn.
Balda allz iz raif, khintz auzgebetart
attna laila gilekk attna bis un gemèkket
zoa auztoala di khòrndla von grass, allz
khint geputz un, an lestin, di “khòrndla”
khemmen gemalt.
Di läut von feròinen “Saraceni” un
“Terragnolo che Conta” hām vürgetrakk
disan prodjèkht un, vor biane mānat, dar
kinkl von Iamtal iz khent darckenht
azpe “Presidio Slow Food”. Ma baz billtz
muanen? Soin “Presidio Slow Food”
billtz muanen vürtrang arbatn boda soin
khent giumacht inar bōtta in an platz un
boda est, āna disa arbat, gianatn vorlòrt,
’z billtz muanen o schütztan di èlbar un
di vichar boda di läut hām gesent un
gezūgt inar bōtta un boda est khemmen
auzgibèksts pitt āndre lai umbróm’n ’z
iz destran nāstianen ma boda machan
sichar vorliarn vil dar ünsarn earde.

Soin “Presidio Slow Food” billtz muanen
haltu gearn ünsar earde un trang vür alle
pittnāndar di arbatn vonar bōtta, arbatn
bodada soin gest da atz Lusérn o boma
hatt gesent gerst, kinkl un rogg.

E.v.K.



Istituto Cimbri
Kulturinstitut Lusérn
Tel. 0464-78.96.45
info@kil.lusern.it
www.istitutocimbri.it



A boch ándarst baz hërta

La settimana prima di Pasqua ho avuto la possibilità di svolgere il tirocinio scolastico presso una farmacia, dove oltre ad imparare molte cose inerenti a quell'ambito, ho capito quanto sia stato importante per me, durante questo ennesimo lockdown, uscire dalla mia solita routine quotidiana, mettendomi in gioco.

In di lestin djar, iz arohiài khent a gibónhait vor di obarschualn, schikhan di studjént, a boch odar mearar o, ummar zo arbata. Ditzta sachan hoazt “alternanza scuola-lavoro” un i hebatz no gemocht machan vert auz pan summar, ma pittn Covid, hattmaz nèt gemak machan un iz khent vornichtet. Vor gelùkh però, vor a par mánat, hàmsaz khòtt ke bar hettatnz gemak machan hàur auz pan lángez. Asó hánne lai ágeheft zo süacha an platz bo zo giana un hân gevuntet a farmacia boda hatt ágenump studjént vor disan prodjékht. Dopo azze hân gepitet schiar a djar, di boch vor Oastarn iz gest zait ázoheva disa esperienza. In earst tage, vor earst, hàmsamar gelatt seng da gántz botége un bia sa arbatn sèmm. Daz bichtegarste sachan bode hân gelirnt soinz di plètz boda khemmen gelekk di medisín. Dar mocht bizzan ke sa khemmen nèt gelekk alle in geláich platz, di meararstn però khemmen gelekk inn in robot, ke ’z iz o ’z sachan bodame hatt mearar impresiónàrt un bodemar nia hettat impitet. Dar robot iz a maschi, groaz azpe a gántza khámmar (infatti sa haltnen in khèldar), voll pitt medisín. Un balda a mentsch vorst a medisín in dokhtur, er schreibetzn in computer, dar robot vinnt auz da djüst skattl, boda pittnan khlumman ascensór rift lai attn bânko un mak khemmen vorkhóaft. In disa boch però hánne nèt lai gelekk vorst medisín, umbrómm i hân gearbatet in laboratorio, bosa hám sèmm, un hân getànt vil ándarst o.

Est, ke 'z soinda pasárt squàse drai bochan, moche zuargem ke 'z iz an esperienza bodemar bart gedenkhan daz gântz lem, no mearar, umbrómm i gloabe ke in a situatzíong azpe disa, bobar soin no hërta inngespèrrt, hattzmar getânt gerècht gian auz un tüan eppaz näugez.

An gruaz,
Samuel Pedrazza



AVVISO

Progetto “VinKo - Varietà in Contatto”

***Parli cimbri? Partecipa al test online del progetto VinKo!** Potrai cimentarti in un'attività divertente ed interessante e aiuterai il team delle Università di Verona, Trento e Bolzano nella ricerca sui dialetti e le lingue minoritarie che si parlano in Veneto e Trentino-Alto Adige.*

Il multilinguismo che caratterizza il nostro territorio è **un'incredibile ricchezza**, che ci proponiamo di comprendere ed analizzare e, soprattutto, di preservare. Per questo, cerchiamo persone che parlino ladino, cimbro, mòcheno, tirolese e anche dialetti trentini e veneti, per creare un database in cui vengono rappresentate tutte le varietà parlate nelle due regioni. Per partecipare, o anche per dare un'occhiata, basta collegarsi al sito <https://www.vinko.it>. Il test è completamente **anonimo** e consiste in una serie di **storie, frasi e parole da tradurre** dall'italiano al proprio dialetto/alla propria lingua. Si richiede quindi di **registrare** in un ambiente tranquillo la propria voce, tramite il microfono integrato nel computer o nello smartphone (no iPhone!). Per informazioni, visita il sito oppure scrivi all'indirizzo mail vinko@ateneo.univr.it. Puoi anche scrivere un messaggio privato alla nostra pagina Facebook e risponderemo volentieri a tutte le tue domande. Grazie!

MÈLDUNG

Dar Dokumentatinszentrum Lusérn süacht mittarbaitar vor in summar.
Di läut bartn mochan arbatn attn Forte Werk Lusérn, in Haus von Prükk
un in di Pinakoté "Rheo Martin Pedrazza".
Zo zorn'ra di mittarbaitar bartnda khemmen gemacht zboa prüfung. Berda
bill ävorsan zo haba di arbat mocht schraim in Dokumentationszentrum.
Zo bizzasan mearar tüät äruavan in Dokumentationszentrum attn nummar
0464 789638.